

AKASHVANI AIZAWL

REGIONAL NEWS BULLETIN

Date – 23/03/2026 Time - 7:30 -7:40 Hrs

HEADLINES (MORNING)

- Economics and Statistics Department in a tarlan danin kum 2024-2025 chhung khan Central Jail leh District jail hrang hrang-ah lungin tang mipa 3,733 leh hmeichhia 828 an awm.
- Tun sorkar-ah Lo zawhna-ah Chief Minister chu Khuallianah vawikhat a tang a, Agriculture & Farmers' Welfare Minister wawi khat khuallianah a tang bawk.
- Prime Minister Narendra Modia kaihhruiin West Asia buaina avanga kawlpheha, tuialhthei thlitfim loh, gas, lei tha leh petrol dinhmun ngaihtuahin high-level meeting an thukhawm.
- Vice President CP Radhakrishnan chuan hmasang ata damna atana hman Yoga leh Ayurveda te chuan khawvel hriat a hlawh chho mek a ti.

<><><>

PRISONERS

Economics and Statistics Department in a tarlan danin kum 2024-2025 chhung khan Central Jail leh District jail hrang hrang-ah lungin tang mipa 3,733 leh hmeichhia 828 an awm.

He'ng zinga tang tam ber chu ND&PS Act thubuai awrh niin, mipa 1,149 leh hmeichhia 525 tang awmin, rukruk vanga tang in a dawt a, mipa 1,263 leh hmeichhia 55 tang an awm a ni. Chhinchhiah danin, kum 2024-2025 khan pawngsual avanga tanin a tang mi 106 awm zingah hmeichhe 2 an tel a, tualthahna avanga tang mipa 54 leh hmeichhia 6 an awm bawk a. Dan kalha ralthuam kawlpheha dan Arms Act avanga tang mipa 52 leh hmeichhia 2 an awm a, midang hliam leh tihnat avanga tang mipa 100 leh hmeichhia 8 an awm bawk a ni.

<><><>

NIA CASE

National Investigation Agency (NIA)-in tun hnai a Mizoram a dan kalha lut a Myanmar a lut chho zui a puha an mante chu Lengpui tumhmun atanga lo lut an ni lo.

Police leh Subsidiary Intelligence (SIB) hotute'n Akashvani News Aizawl an hrih danin NIA-in tun hnai a an man Ukrainian 6 leh American 1 te chu thlawhna hmanga Mizoram a lo lut an ni thei lo niin an sawi a. NIA hian ramdang mite hi

phalna nei lova Mizorama lut niin an sawi a. Ramdang mi Mizorama lo lut turte chuan Ministry of Home Affairs atangin Protected Area Permit (PAP) an lak ngei ngei a ngai a. Lengpui tumhmuna ramdangmi lo lutte reng reng chu PAP an neih leh neih loh endiksakin a nei lo chu thawn let leh tur an ni an ti. He tih lai hian report pakhatat chuan ramdang mi 7-te hi Assam atangin Vairengte-ah India mi anga insawi-in eng tin tin emaw an lut ni a rin a ni a. Inner Line Permit (ILP) lem hmanga lo lut an ni em tih chhui chian mek a nih thu an sawi. Assam atanga lo lut an nih loh pawhin state thenawm atangin an lo lut em tih chhui zui mek a nih thu Police hotute chuan an sawi bawk.

NIA-in he'ng ramdang mite hi Mizoram lutin Myanmar a Chin state an lut chho ni a an sawi chu finfiahna a la awm lo niin Mizoram Police hotute chuan an sawi a. Chin state a sipai sorkar dotu ralthuam keng pawlte chu ralthuam hman leh drone hman dan an zirtir a, drone pawh Europe atanga tam tak tawlh lut chhovah NIA chuan an sawi bawk a. Hei pawh hi a finfiahna an la neih loh thu Police lam chuan an sawi a ni.

<><><>

#### TAXATION ENFORCEMENT WING

Taxation Enforcement Wing chuan tunhnai khan Mizorama private coaching centre endikin Goods & Services Tax GST an pe mumal lo tih an hmuchhuak.

Taxation Enforcement Wing a thawktu te chuan Mizoram a private coaching institute leh private tuition centre hrang hrang in GST Registration an neih leh neih loh te, coaching course an pek te, coaching fee leh zirlai neih zat te an endik a, heng an endikna atang hian GST an pe mumal ngailo tih hmuhchhuah a ni.

*Taxation Enforcement Wing endikna atang hian an sum lak luh atanga chhutin Mizorama Coaching institute te chu GST pe pha deuh vek an ni a, hetih laiin GST a inziak lut 2 chauh an awm thunga, GST registration nei chhunte pawhin chhiah hi an pe mumal lo a ni. Taxation chuan Coaching institution te chu chhiah pe tur leh an pek ngei theih nan dan ang a hmalak an tum a, Private coaching centre te hian an sum lakluh dan a zirin Mizoram GST Act 2017 hnuaiah chhiah an chhun luh ve a ngai a ni.*

<><><>

#### CHIEF GUEST

Tun sorkar-ah Lo zawhna-ah Chief Minister chu Khuallianah vawikhat a tang a, Agriculture & Farmers' Welfare Minister vawi khat khuallianah a tang bawk.

Assembly zawhna ziaka chhanna-ah Chief Minister Pu Lalduhoma chu Tualpui lo zawhna-ah September ni 16, 2025 khan khuallianah a tang a, Agriculture & Farmers' Welfare Minister Pu PC Vanlalruata chu September ni 5, 2025 khan Hmuntha khua lo zawhna-ah khuallianah a tang bawk a. Minister ten programme hrang hrang hmang tura an vahvelna atan hian Sorkar-in petrol emaw diesel emaw hi a tum sak mai thin a, programme mal bik atan a hranpa a pek an ni ngai lo ti a chhan

a ni a. Hmun hniha lo zawhna-ah hian cheng nuai 2 ve ve sen niin a vai-in cheng nuai 4 sen ral a nih thu-in zawhna hi chhan a ni bawk.



BILL

Mizoram Maintenance of Household Registers Bill, 2019, March ni 18, 2019 a Mizoram Legislative Assembly-in a pawm tawh hnu chu sorkar laipui pawmpui theih tura en that leh mek a ni.

Tun Assembly inkhawm zawh taka Congress member Pu C. Ngunlianchunga zawhna ziaka chhangin GAD changtu Chief Minister Pu Lalduhoma chuan Mizoram chhunga chhungkaw dinhmun chhihchhiaha atana he dan - Mizoram Maintenance of Household Registers Bill, 2019 hi Assembly-a pawm a nih hnu-ah larsap pawmpui tura thawn a nih thu a sawi a. Larsap chuan India Constitution article 200-na tlawhchhanin pawm ta mai lovin September ni 12, 2019 khan India President pawmpui turin a thawn ta a ni a ti. Hemi hnu hian Ministry of Home Affairs nen indawr chhunzawm reng a nih thu leh he bill hi pawm thuai a nih theih na'n Union Home Minister hnenah DO letter tum 4 lai thawn a ni a ti a. Central Sorkar hian he bill hi State Assembly thuneihna piah lam a nih thu rawn sawiin, ennawn leh tura thurawn rawn pe in, Bill hi Sorkar laipui atang hian paih a ni ta a ni a ti bawk.

State thuneihna-in a huam chin a en that leh siam that ngaite siam that hna thawk tur hian Drafting Committee for the Mizoram Maintenance of Household Registers Bill, 2026 chu kumin February ni 25 khan din a ni ta a. Central sorkar pawm theih tur zawng leh state thuneihna-in a huam chin anga siamthat ngaite siamtha tura buaipui mek a nih thu Chief Minister chuan a sawi



OIL

Centre for Environment & Social Justice (CESJ) chuan Myanmar lama tuialhthei tawlh ruk titawp turin Supply Minister Pu B. Lalchhanzova an ngen.

Thu chhuah siamin CESJ pawl chuan tunlai khawvel boruak thlirin tuialhthei leh gas-ah harsatna a thleng chho mek a, India sawrkar pawhin harsa takin a theih ang angin a chaw lut hram hram a ni an ti a. Harsatna lian zawk thleng thei reng leh Mizoram pawhin tuar nghal thut thei reng a nih bawk avangin Mizoram atanga Petrol pump hrang hrangte'n Myanmar lama lut tur tuialhthei an pek chhuah reng hi tih tawp rih ni se an tih thu an sawi a. Supply Minister chu hemi khuahkhirh tur hian thupek khauh tak chhuahin a kenkawh hna pawh khawng taka a kalpui an phut tlat thu an tarlang a ni. Supply Minister hnena Myanmar rama tuialhthei tawlh ruk titawp tura ziaka ngenna an thehluh bakah hian a copy hi department secretary leh director bakah district tina bawrhsapte an thawn nghal bawk a ni.

CESJ pawl hruaitu Ruatfelna Nu chuan bur emaw, barrel emaw hmanga tuialhthei ram danga phurh chhuah hi Essential Commodities Act kalh tlat a nih bawk avangin dan kalh a sumdawna hi tih tawp a nih ngei theih na'n sawrkar hi hma la turin an ngen thu a sawi a ni.



Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

MUHCS

Sorkar hnathawk pension zinga MUHCS 2.0 zawmte'n an kawppuite inenkawlna bak an bill thei tawh dawn lo.

Finance Department thuchhuah tarlan danin, MUHCS 2.0 ah chuan pensioner scheme hian chhungkaw member zawng zawng huam tawh lovin, pensioner leh an kawppuite chauh a huam tawh dawn a. An chhungkaw member dangte chu mipui nawlpui (General Beneficiary Category) hnuai ah an inziah luh ve a ngai tawh dawn a. Nupa-a Mizoram Sorkar hnuai Pensioner ve ve chuan an pahnihin a hrana MUHCS 2.0 hi an zawm a ngai tawh dawn a ni. MUHCS 2.0-ah hian pensioner-te chuan an duhthlanna hmangin MUHCS hi an zawmin an zawm lo thei a, a zawm duh chuan thla tin subscription fee Rs. 1,000 pein an zawm thei a, MUHCS zawmte chuan kum khat chhungin damlo in enkawlna atan cheng nuai 12 thleng an Bill thei a, Private Ward-ah an awm thei dawn a ni. Pensioner ten MUHCS 2.0 an zawm duh lo a nih erawh chuan CCS (P) Rules, 1972 in a phal angin Medical Allowance an hmuh thin chu an dawng chhun zawm ang a, amaherawhchu, MUHCS 2.0 hnuai hamthatna erawh an dawng ve thei dawn lo a ni.

He ruahmanna hi tha thar April ni 1 atanga hman tan tur a ni.

<><><>

PM

Prime Minister Narendra Modia kaihhruaiin West Asia buaina avanga kawlpheha, tuialhthei thlitfim loh, gas, lei tha leh petrol dinhmun ngaihtuahin high-level meeting an thukhawm a. New Delhi-a inhmukhawmah hian ramchhungah chhum lo chat lova supply a kal zel theih nante, tluang taka phurh khual anih a rampumah tha taka pekchhuah anih theih dan tur an sawiho a ni.

He hunah hian Defence Minister Rajnath Singh, Union Home Minister Amit Shah, Union Finance Minister Nirmala Sitharaman, External Affairs Minister Dr S Jaishankar, Union Agriculture Minister Shivraj Singh Chouhan, Union Petroleum and Natural Gas Minister Hardeep Singh Puri, Union Commerce and Industry Minister Piyush Goyal, Union Chemicals and Fertilizers Minister JP Nadda, Union Civil Aviation Minister K Ram Mohan Naidu, Union Power Minister Manohar Lal leh Union Information and Broadcasting Minister Ashwini Vaishnaw te tan tel a ni.

Hetihlai hian Sawrkar paipui chuan ramchhungah tuialhthei leh gas ah harsatna a thleng lo tih a sawi. Nimina Union Ministry of Petroleum and Natural Gas thuchhuah danin tuialhthei thlitfimna ten dan pangngaiin hna an thawk reng a, petrol leh diesel khawlsa a tam tawk tih tarlan a ni a. LPG cylinder pawh dan pangngaia sem niin chia avanga gas booking sang vak pawh a tlahniam tawh nia tarlan a ni

bawk. Hei bakah hian ramchhungah black-a hralh leh dan kalha lo chhekkhawl an awm loh nan state leh UT ah te dap thin a ni..



VP

Vice President CP Radhakrishnan chuan hmasang ata damna atana hman Yoga leh Ayurveda te chuan khawvel hriat a hlawh chho mek a ti. Nimina Maharastra-a Pune-a Naturopathy Ashram kum 81 na lawmnaah he thu hi sawiin Pu Radhakrishnan chuan heng yoga leh Ayurveda te chuan taksa leh rilru damna an thlen avangin ngaihthah theih an ni lo a ti a. Mipuite chu an nunphungah thilnung dangte hne hnai zawnga insiamrem tur leh thilsiam dangte nen inhnaih zual sauh sauh turin a sawm a ni.

